

Gvangjsih Minzczuz Bau

广西民族报 ganhhau: CN45-0036 B.2021 Nd.3 Ng.17 liggaeuq sincouj nienz ndwenngaih co'ngux

Baihguenjbanh: Gvangjsih
Bouxcuengh Swcigih Minz-
cuz Cunghgyau Swvu Veij-
yenzvei
Biengauj okbanj: Gvangjsih
Minzczuz Bause
Geizsoq: Gungh daih 3465 geiz
Geiz neix 8 banj

Youq Duenh Lizsij Ciep Gongq Heij Laeng Guh Dajsuenq Hungmbwk

—Daj Daihcibgouj Gaiq Haj Cung Cienzhohi Aendangj Daengz Daengx Guek Song Hoih Bineix

Bi' gvaq 10 nyied 29 hauh, Daihcibgouj Gaiq Haj Cung Cienzhohi Aendangj cazdoi lwnhyaeng caemh-caiq doenggvaq 《Aen Genyi Cungh-gung Cunghyangh Dingh Gij Dajsuenq Daihcibsei Aen Haj Bi Caeuq Gij Moegbiu Gya Bi 2035 Gvendaengz Guekminz Ginhci Caeuq Aenbiengz Hwngfat》.

3 nyied 11 hauh, Gaiq Cibsam Daengx Guek Yinzda Baez Hoih Daihsei hai sat, gyoengq daibyauij gietdingh doenggvaq aen gezyi gij dajsuenq daeuz daihcibsei aen haj bi caeuq gij moegbiu gya-

daeuz bi 2035 gvendaengz guekminz ginhci caeuq aenbiengz hwngfat, gietdingh doengzeiq gij dajsuenq daeuz neix.

Daihcibgouj Gaiq Haj Cung Cienzhohi Aendangj daengz Daengx Guek Song Hoih bineix, gij hoznaemj aendangj ciuq mbaek gonqlaeng fap-dingh de cienjvaq baenz simhoz guekgya, gij dajsuenq daeuz neix gyonjcomz dungxcaiz caeuq maq-muengh daengx guek gak cuz lwgminz, vixyinx vunzlai baenzlawz hwnjdin byaij roen moq.

Youq giz lizsij cieq gongq heij

laeng couhwdg guhbaenz gij hongsaeh “daih'it aen bak bi” aeu guhbaenz de caeuq heij guh gij hongsaeh “daihngaih aen bak bi” dajsuenq guhbaenz de, miz aen Dangj-cunghyangh aeu Siz Ginbingz dungzci guh cehsim de da yawj bae gya uk ngeix ndaej laeg caeuq gag rox dawz maz rap caemhcai dawz ndei diuzrap, guh dajsuenq hungmbwk, gyonjcomz caeuq daiqlingx daengx guek lwgminz yamq bae fofu buekguh gij hongsaeh “daihngaih aen bak bi” dajsuenq aeu guhbaenz de.

Gij dajsuenq duenh hwngfat moq

de aen dam aen ndabaiz ndei lo, gij sing loxlez coi vunz hwnjdin byaij roen moq de yiengj goksa lo. Miz aendangj daiqlingx rengzrwd, miz yiengh cidu sevei cuji miz gij daegsaek Cung-guek de miz giz ak moq, miz duenh “cibsam haj” roengz ndei giekdaej hwngfat maenhdwat, miz baenz ik fanh lwgminz caezhoz gyonjcomz baenz gij rengz hunghoengh, guh hongsaeh coglaeng, raeuz daengx ndang rengz-rwdrwd!

(bouxgicej Sinhvasse Cau
Cwngz Cangh Yuzdungh Cau
Cauh Hanz Gez Anh Bei)



Ndaem Faex Hawj Mbanj- cuengh Lai Heu

3 nyied 12 hauh, gyoengq lingjdauj ganbu cizgungh ndaw Liu-j-couh Si Yenzlinz Goh-yoz Yenzgiusoj, Yungz-anh Yen Hawsingz Guenleix Hingzcwng Cizfaz Giz caeuq Yajyauz Yangh Cwngfuj doxcomz daengz Mbanjsihguboh, gagnyienh okrenz ndaem faex, guhneix hawj Mbanjcuengh lai heu.

(Loz Gezfangh Cinz
Yizdanh Lungz Danh)

Aen Daihhoih Daengx Gih Lwnhrox Guhdaengz Gij Cingsaenz Daengx Guek Song Hoih De Hai Lo

3 nyied 13 hauh, Aen Daihhoih Daengx Gih Lwnhrox Guhdaengz Gij Cingsaenz Daengx Guek Song Hoih de youq Namzningz hai. Swcigih Dangvej sui, Swcigih Yinzda Cangvejvei cujiyuz Luz Sinhse ndabaiz daihhoih caemhcai gangjvah, de giengzdih dangq mwh hagsib guhdaengz gij cingsaenz Daengx Guek Song Hoih de guh mwh

youqgaenj, caeuq hongsaeh angqoh Cunghgoz Gungcanjdang laebbaenz 100 hopbi vanzlij hagsib son'gyauq lizsij aendangj doxgap, comz rengz hag rox hag doeng guhcaen Aen Swhsiengj Sevei Cuji Miz Gij Daegsaek Cungguek Seizdaih Moq Siz Ginbingz, hag laeg caen rox gij cingsaenz vah youqgaenj youz Siz Ginbingz youq duenh Daengx Guek

Song Hoih gangj de, dingjmaenh aeu gij cingsaenz vah vixyinx youqgaenj Siz Ginbingz vix guh hongsaeh Gvangjsih de guenj caez daeng-buenz, haengqrenz buekguh hawj gij dajsuenq hungmbwk gvendaengz “cibsei haj” caeuq duenh lai raez baenzlawz hwngfat de guh baenzsaeh bae.

(Vei Hwngz)

SIUSIK DINJ

● Duenh Daengx Guek Song Hoih bineix, Gvangjsih Daibyauijdonz gungh gyau 13 aen yian, 282 aen genyi, gij soq neix youq gyawj seiq bi neix suengq cieq lai.

(Dungj Vwnzfungh)

● 3 nyied 13 hauh, Aen Daihhoih Bineix Seizcin Daengx Gih Vunzcaiz Doxgyau de youq Nanzningz Gozci Veicanj Cunghsinh banh. Ndaw gih rog gih gungh miz 785 aen danhvei aeu vunz daeuj neix ok gyawj 5 fanh aen vihhong hawj vunzcaiz genjleh. Neix yinx 6.5 fanh vunzbaez daeuj yienhciegz ra hong.

(Loz Giz)

● Ciuq Swcigih Gyauhdunghdingh ok siusik, duenh ndwencieng daehyinh 40 ngoenz neix gih raeuz roenhawq roenraemx gungh daehyinh 2092.2 fanh vunzbaez bauxhek, cungjdaej bingzonj, rengz daehyinh caezcup.

● 3 nyied 11 hauh banhaet, Gveilinz Si Siengsanh Gih banh aenban cienmonz sonlien hawj vunzlai cungj nyinh Cunghva Minzczuz caezcaemh, gungh miz 140 lai baux daeuj ndaw ban hagsib.

(Cinz Yez)